



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Pastorum Continens Doctrinas, & Industrias ad Pastorale  
Munus piè, fructuosè, ac securè obeundum pertinentes,  
Unà cum Casibus frequentius circa idem Officium  
occurrere solitis, & ex communiote ...**

**Lohner, Tobias**

**Dilingæ, 1678**

Membrum I. De Victu.

[urn:nbn:de:hbz:466:1-49267](https://nbn-resolving.org/urn:nbn:de:hbz:466:1-49267)

## §. II.

## De Medijs Corporalibus.

Qu. 1. *Qua media corporalia Pastori necessaria sint?* Re-  
 tria præcipuè, scilicet victus, amictus, & habitatio, de qui-  
 bus S. Paulus ad Timoth. 1. Tim. 6. scribens sic loquitur: *Est*  
*autem Quæstus magnus, pietas cum sufficientia, nihil intuli-*  
*mus in hunc mundum, haud dubium, quod nec auferre quidem*  
*possumus; habentes autem alimenta, & quibus tegamur, his*  
*contemsi simus.*

## MEMBRUM I.

## De Victu.

Qu. 1. *Quid circa victum observare debeat Pastor?* Resp.  
 hæc præcipuè. Primò, ut *sobrius sit*, id est, omnis intempe-  
 rantia tam in cibo, quàm in potu studiosè vitetur. Secun-  
 dò, ut *simplex sit*, id est, ex communibus, minimèque exqui-  
 sitis, aut copiosis ferculis, potuque instructus. Tertio, ut  
*ordinatus sit*, id est, ut servetur Ordo *intentionis*, per quam  
 sumptio talis victus ad majorem DE I gloriam, perinde ut  
 aliæ actiones, ordinetur. Ordo *temporis*, ut scilicet, quantum  
 fieri potest, certa refectionis tempora observentur, & extra  
 illa non facile absque legitima causa quidquam cibi & potus  
 sumatur. Ordo *pietatis*, quæ suadet, ut ante mensam Bene-  
 dictio præcedat, & post eam gratiarum actio reverenter ac  
 devotè peragatur, suâque ipsi etiam animæ per lectionem  
 spiritualem portio tribuatur, tunc enim sperare poterit Pa-  
 stor, impletum iri, quod S. Chrysostomus Hom. 79. ad Popul.  
 dixit: *Mensa ab oratione sumens initium, & in orationem de-*  
*sinens nunquam deficiet.*

Qu. 2. *Quare Pastor sobrietati & abstinentia tantopere stu-*  
*dere debeat?* Re. ob has causas. Primò, ob *sanitatem conser-*  
*vandam*: ut enim in multis escis erit *infirmetas, ita, qui absti-*  
*nens est, adijciat vitam*, teste Siracide Eccl. 37. quam haud  
 dubiè Pastor tantò majore studio conservare debet, quantò  
 aptius illa instrumentum est ad propriam Pastoris & alienam  
 salutem procurandam. Secundo, ob *castitatem defenden-*  
*dam*: nam, ut rectè S. Augustinus p. 3. curæ past. adm. 20.  
 dixit,

dixit, dum venter satietate extenditur, aculei libidinis extantur. Econtrariò verò sine Baccho & Cerere frigere Verem, commune habet adagium. Tertiò, ob pastorale officium rectè exercendum; ut enim Pastor vinolentus se & cre in manifestum vitæ periculum præcipitat, ita idem de Pastore Clerico sentiendum; quis enim non videt, eum quam non tantùm scandalo, sed etiam periculo vinolentus libere miobrius Pastor Sacramenta Baptismi, Pœnitentiæ, Eucharistiæ, & Extremæ Unctionis, ad quæ conferenda semper paratus esse debet, sit administraturus. An non confusio & ignominia est, IESVM Christum Crucifixum, pauperem & esumtem factis predicare corporibus, & ieiunorum doctrinam habentes Buccas, tumentiaque ora præferre, ut rectè dicitur in cap. Ecclesiæ principes dist. 35. *Væ, væ ergo tibi, Clerice, tu natus rectè S. Bernardus in declamat. Mors in olla, mors in delictis est, non modò, quia secus introitum delectationis esse cognoscitur, sed ob id maximè, quia Populi constat esse peccata, quæ comedis.*

Qu. 3. An consultum sit, ut Pastor Convivia in Nuptiis, Anniversariis Dedicacionibus institui solita frequentet? Non dubium esse, quin meliùs facturus sit Pastor, si ad ea quantumcunque invitatus venire recuset, idque ob tres potissimum causas, quarum primam Concilium Aquileense Causæ de vita & hon. Cleric. indicavit, dum dixit: *Convivia & familiaritatem Laicorum multarum offensarum, & scandalorum originem Clerici in quocunque statu constituti declinare ac fugere debent.* Alteram Concilium Ravennate nescitium expressit his verbis: *Ne Clerici Laicorum Convivia frequentent, quia valdè dedecent honestatem Clericalem, ipsorumque Clericorum vilescere faciunt auctoritatè; siquidem, ut Hieronymus Epist. ad Nep. ait, facile contemnitur Clericus qui sape vocatus ad prandium ire non recusat.* Et adiungit: *nescio enim, quomodo etiam ipse, qui deprecatur, ut erubescat cum acceperis, vilior te iudicat, & mirum in modum, si rogantem contempseris, plus te postea veneratur.* Tertiam Solomon Prov. 23. c. indicat: *Noli esse in conviviis Potatorum, nec in comessionibus eorum, qui carnes ad vescendum comederunt; quia vacantes potibus & dantes symbola consumerunt.* c. 6. n. 42. nam, ut bene Trithemius advertit, convivia in

moderata, & mentem virtutibus exuunt, & Bursam nummis  
vacuam reddunt. Quare, ut tandem S. Hieronymus l. c. con-  
cludit: *Consolutores non potius ipsi Laici in maroribus suis, quàm*  
*Convivas in prosperis noverint.*

Qu. 4. *Quid observandum sit Pastori in convivio, si ea cha-  
ritate vel auctoritate cogente adire compellatur?* R. et si raro  
ejusmodi casus contingere queat, si semel resolutionem &  
aversionem suam seriò ostendat; si tamen aliquando contin-  
gat, hæc ipsi documenta præ cæteris observanda putem. Pri-  
mum est, ut exemplum S. Gregorij Nazianzeni secutus, non  
tam ire se sponte, quàm altiori potestate aut motivo tractum  
esse &, ut S. Chrysostomus monet, pro supplicio potius, quàm  
animi remissione ejusmodi convivia se habere, palàm osten-  
dat; sic enim efficiet, ut invitantes, & venerationem erga  
ipsum majorem concipiant, & verecunda commiseratione  
permoti, frequentiori invitatione ipsi molesti esse desinant.  
Secundum est, ut juxta Salomonis Prov. 23. consilium dili-  
genter attendat, *qua apposita sunt ante faciem suam, & statuat*  
*cultrum in gutture suo, ne desideret immoderatè de cibis eius,*  
*in quo est panis mendacii; multò minùs verò de potu, in quo*  
*est vinum fallaciæ & stultitiæ.* Certè hîc verè suo modo Ho-  
spes invitans dicere potest: Clerice, comede & bibe, ut vi-  
deam te, id est, ut cognoscam, quantum in virtutibus & ab-  
negatione profeceris; nam Jacobo teste, c. 1. *si quis putat se*  
*Religiosum esse, non refranans linguam (& gulam) suam, sed*  
*seducens cor suum (per inordinatum cibi & potùs appetitum)*  
*huius vana est Religio.* Tertium est, ut strictè observet S.  
Pauli Eph. 4. saluberrimam doctrinam in tali occasione:  
*Omnis sermo malus ex ore vestro non procedat, sed si quis bonus*  
*ad adificationem, ut det gratiam audientibus.* Id, ut conse-  
quatur, primò juxta monitum S. Jac. 1. c. *sit velox ad au-*  
*diendum, tardus autem ad loquendum;* deinde, ubi audierit,  
juxta doctrinam Siracidis Eccl. 5. *Si est ipsi intellectus, respon-*  
*deat Proximo: Sin autem, sit manus eius super os suum, ne ca-*  
*piatur in verbo indisciplinato, & confundatur: honor & glo-*  
*ria in sermone sensati; si ergo loquendum, loquatur tanquam*  
*sermones DEI, juxta S. Petri monitum*

1. Petri 4.

MEM-